


佛本行集經

才五十九

三百一
籍九

49764



Faint vertical text on the left side of the page, including the characters "卷之四" (Volume 4) and "卷之四" (Volume 4), along with other illegible characters.

佛本行集經卷第五十九

籍

隋天竺三藏法師闍那崛多譯

婆提唎迦等因緣品下

爾時長老提婆達多見其阿難往向佛所而告之言長老阿難欲何處去

爾時阿難而報之曰我於今者欲往見佛

今時長老提婆達多報阿難言阿難汝今若必

然者少時相待我亦欲往諮優波陀

隨俱往佛處

今時提婆達多即至跋耆吒僧伽之所頂

禮其足却住一面而白之言我今意欲往見

於佛唯願尊者慈愍聽許



爾時長老跋耆吒僧伽報彼提婆達多作
如是言汝若知時往至佛所爲我通傳頂禮
佛足問訊世尊少病少惱身安已不起居輕
利行來化導不損德也身體氣力勝常已不
提婆達多報彼跋耆吒僧伽作如是言如
尊者教不敢違背遂即頂禮圍遶三匝辭退
而去

爾時阿難與彼長老提婆達多二人相隨發
雪山下往向佛所到佛所已頭面禮足却住
一面
爾時長老提婆達多白佛言世尊我昔求請
如來出家如來而不與我出家如來今日可

不見我得出家耳

尔時佛告提婆達多作如是言提婆達多汝
爲何事而出家也願汝得已莫有背也

時諸比丘俱白佛言希有世尊世尊往昔恒
常教彼提婆達多爲利益事提婆達多今反
捉佛以爲怨讎作是語已佛告諸比丘作如

是言汝諸比丘非但今日我教彼人提婆達
多爲利益事反爲其人以我爲怨過去世時
亦復如是我教利益反怨於我時諸比丘白
佛言世尊此事云何願爲論說

尔時佛告諸比丘言我念往昔久遠世時於
雪山下有二頭鳥共同一身在於彼住一頭

名曰迦嚩唎鳥一名憂波迦嚩唎鳥而彼二
鳥一頭若睡一頭便覺其迦嚩唎又時睡眠
近彼覺頭有一菓樹名摩頭迦其樹花落風
吹至彼所覺頭邊其頭念時作如是念我今
雖復獨食此花若入於腹二頭俱時得色得
力並除飢渴而彼覺頭遂即不令彼頭睡覺
亦不告知嘿食彼花其彼睡頭於後覺時腹
中飽滿咳嗽氣出即語彼頭作如是言汝於
何處得此香美微妙飲食而噉食之令我身
體安隱飽滿令我所出音聲微妙彼頭報言
汝睡眠時此處去我頭邊不遠有摩頭迦花
菓之樹當於彼時一花墮落在我頭邊我於

尔時作如是念今我但當獨食此花若入於
腹俱得色力並除飢渴是故我時不令汝覺
亦不語知即食此花

尔時彼頭聞此語已即生瞋恚嫌恨之心作
如是念其所得食不語我知不喚我覺即便
自食若如此者我從今後所得飲食我亦不
喚彼覺語知而彼二頭至於一時遊行經歷
忽然值遇一箇毒花便作是念我食此花願
今二頭俱時取死于時語彼迦嚩唎言汝今
睡眠我當覺任時迦嚩唎聞彼憂波迦嚩唎
頭如是語已便即睡眠其彼憂波迦嚩唎頭
尋食毒花迦嚩唎頭既睡覺已咳嗽氣出於

是即覺有此毒氣而告彼頭作如是言汝向
覺時食何惡食令我身體不得安隱命將欲
死又令我今語言麤澀欲作音聲障礙不利
於是覺頭報彼頭言汝睡眠時我食毒花願
令二頭俱時取死於時彼頭語別頭言汝所
爲者一何太卒云何乃作如是事也即說偈言
汝於昔日睡眠時
我食妙花甘美味
其花風吹在我邊
汝反生此大瞋恚
凡是癡人願莫見
亦願莫聞癡共居
與癡共居無利益
自損及以損他身
佛告諸比丘汝等若有心疑彼時迦嚩唎鳥
食美花者莫作異見即我身是彼時憂波迦

嘍啖鳥食毒花者。即此提婆達多是也。我於彼時爲作利益。反生瞋恚。今亦復尔。我教利益。反更用我爲怨讎也。

尔時長老提婆迦。既出家已。即於彼時。夏三月內。成就三通。摩尼婁陀。得成天眼。長老跋提婆長老。因耆長老。難提迦。此諸人等。證羅漢果。阿難復得須陀洹果。提婆達多。成就世間凡夫神通。

尔時長老提婆迦。得羅漢果。或在樹林。或住在於空閑房室。或住露地。或住在於祇陀園林。晝夜三時。恒唱是言。嗚呼快樂。如是三稱。尔時衆多諸比丘等。詣向佛所。而白佛言。世

尊其彼長老婆提唎迦喬瞿彌子不樂在於
世尊法中不喜不樂恒常憶昔王位時事富
貴之樂恒常憶念如此事故或住樹下或住
空房或住露地三時唱言嗚呼快樂如是三稱
尔時世尊喚一比丘而告之言汝來比丘當
往詣彼婆提唎迦比丘之邊而爲我語作如
是言世尊喚汝其彼比丘白言如教不敢違
也即往詣彼婆提唎迦長老之所到已告言
婆提唎迦世尊喚汝尔時長老婆提唎迦聞
彼語已詣向佛所到已頂礼却住一面
尔時佛告婆提唎迦作如是言婆提唎迦汝
實不樂於我法中行梵行不恒常憶昔王位

樂不由憶彼故或在樹下或在閑房或在露
處三時唱言嗚呼快樂嗚呼快樂如是已不
尔時長老婆提唎迦而白佛言如是世尊如
是跋檀多佛復告言汝見何利或在樹下乃
至三時唱如是言嗚呼快樂嗚呼快樂

尔時長老婆提唎迦白佛言世尊我昔在家
治於王位利利灌頂七重牆壁圍我宮殿守
護我等復有象軍七重守護復有馬軍如是
七重復有車軍及以步軍皆各七重俱被鐵
甲手執戎仗所謂弓箭刀槊牟楯金剛大杵
及大鐵棒鈇鑿鐵輪三叉鉞斧諸戎仗等周
而遶我牆外復有七重水漸如是守護如是

障弊猶於夜中若聞諸聲心生恐怖不得安
樂身毛皆豎恒生慙愧諸根變動世尊我今
或在樹下或在閑房或在露處夜聞種種諸
惡獸聲無有恐怖身毛不豎無有慙愧諸根
不變是故我恒獨坐思惟心作是念我今大
得利益之事今者世尊爲我大師自覺說法
於彼法中我得出家行於梵行多有禁戒攝
受於我成妙行又我於今者善得活命善得
命終是故世尊我以往昔王位樂時及富貴
時比於今日出家之樂坐空閑樂覺觀之樂
寂定之樂沙門等樂憶念此故或在樹下或
在閑房或在露處知足少欲從他乞食身毛

不豎猶如山鹿心得自在坐卧去住無有障礙三時唱言嗚呼快樂如是三稱

尔時長老婆提唎迦在於佛前對諸大眾而說偈言

我昔在於深宮裏

七重牆壁甚高峻

嚴治樓櫓及却敵

并有七重墮斬等

軍衆宿衛執戎仗

無晝無夜守護我

如是種種自防守

身意猶故不安寧

我今在於世尊前

無有一人守護我

及以在於空閑處

或在樹下山林中

如我佛子婆提迦

諸人各各相守護

行住坐卧常安樂

是故心無有攀緣

我昔宮內乘大象

身著繒綵上妙衣

食噉粳糧甘美飯

羹臠調和肉味等

今者坐卧隨意鋪

空閑身著糞掃衣

捨愛拔除苦根本

欲有所行隨我意

尔時世尊因此事故復說偈言

若人知命不生惱

亦即不憂是命終

若能勇猛見真諦

雖墮苦海終無怖

已斷有愛比丘等

於一切物悉已斷

生死煩惱皆滅盡

如是無復有後有

尔時世尊告諸比丘作如是言汝諸比丘若

知於我聲聞弟子豪貴之中捨家出家最第

一者所謂即此婆提唎迦比丘是也

尔時諸比丘白佛言世尊今此長老婆提唎
迦往於昔日造何善根今生釋種大豪貴家
乃至多饒資財產業無所乏少復作何業承
繼釋種得昇王位復作何業便得出家受具
足戒獲羅漢果世尊復記汝諸比丘若於聲
聞弟子之中捨彼豪望而出家者婆提唎迦
最為第一
尔時佛告諸比丘僧作如是言汝諸比丘我
念往昔久遠之時有一貧人以乞自活從一
城至波羅捺城至彼城已其城所有乞人見
者皆呵責言汝從何來而至於此遂遮不聽
遊行告乞

亦時彼人見有障礙作是思惟我於彼輩無有過失何故障我而乞告也

於時波羅捺城有一長者遺失銅鉢時彼長者求覓銅鉢所在不獲因求鉢故至餘一村時彼乞人於真聚中得彼銅鉢掛於杖頭將來往入波羅捺城從街至街從巷至巷從此交巷至彼交巷從此隅角至彼隅角口唱是言此之銅鉢是誰之物識者收取而彼遊歷處處東西求覓其主了不能得既不得主便即往至付梵德王乃至長者後聞有人從彼真中得一銅鉢掛於杖頭將來入彼波羅捺城從街至街從巷至巷而口唱言是誰銅鉢

處處遊訪不知主處既不得主便付梵德既
聞是已到梵德邊到已白言大王當知前者
乞人所奉銅鉢是我之物

時梵德王遣使往喚彼之乞人而語之言汝於
前者所送銅鉢今此長者云是我許其事如
何彼人即白梵德王言如是大王我本不知
彼之銅鉢是誰之物在真聚中我既得已即
掛杖頭將來往入波羅捺城東西訪問不知
主處以不得主遂即將來奉與大王任王所
用尔時梵德聞彼語已心大歡喜而告彼言
仁者汝今欲於我邊乞何等願我當與汝而
彼銅鉢還其長者

尔時彼人白梵德王作如是言大王今若必
欲歡喜與我願者願王於此波羅捺城所有
乞人用我為王時梵德王復告彼言今者何
用與彼乞兒而為王也但當更乞諸餘好願
或金或銀或索國中最勝村落用為封邑我
即與汝時彼乞人復白王言王若歡喜與我
願者我今止欲得前所願王遂報言任汝所
樂隨汝作耳

尔時在彼波羅捺城合有五百乞兒依住彼
乞願者悉喚令集而告之言我今得與汝等
為王汝等必當聽我處分時諸乞人問彼王
言汝今云何處分我等令作何事時彼人言

汝等相共或有捉我置髀上者或有取我而背負者自餘皆悉爲我左右圍遶而行而彼五百諸乞兒輩聞彼語已即從處分或有與者或背負者處處遊行所有飲食坐席之所即往彼乞乞已將向一處分張而共食噉如是方便多時活命

時有一人屏處獨食摩呼荼迦

隋言歡喜丸

余時乞

王從其人邊奪取彼食摩呼荼迦奪已將走其王徒衆五百乞兒逐彼王走至於遠處皆悉疲乏旣疲乏已悉各迴還其彼乞王身力壯健走而不乏更至遠已迴頭望看五百乞兒悉皆不見旣不見已入一園內取水洗手

坐於一邊欲食彼食未食之間便生悔心我
今不善我今何故於彼人邊奪取其食更復
誑我隨從人輩此食既多我食不盡若世間
內有諸聖人願知我意而來此者我即分與
發是心已有辟支佛名曰善賢從虛空裏飛
騰而來在彼人前從空直下去其不遠其人
遙見彼辟支佛威儀庠序行步齊肅舉動得
所不緩不急見如是已於彼辟支心得淨信
得淨心已作如是念由我往昔所受貧煎及
以現在皆悉不值如是福田於如是人不行
布施恭敬供養我昔若值如是福田今日應
不遭斯困頓亦應不被他人逼切而得活命

我今將此摩呼荼食奉上仙人未審此仙受
納已不若蒙受者願我將來免此貧煎困厄
之身作是念已即將此食摩呼荼迦奉此仙
人然辟支佛有如是法唯現神通教化衆生
更無別法

時辟支佛受取彼食摩呼荼迦愍斯人故從
彼地方騰空而去其人見彼辟支世尊騰空
去已歡喜踊躍遍滿其體不能自勝以歡喜
心頂戴拍掌遙禮彼尊辟支佛足作是禮已
心發是願願我此身於未來世恒常值遇如
是世尊或勝此者而彼世尊所說之法願我
一聞速得證解又願我於未來世中在大威

德豪族姓家爲王治化更莫在彼貧兒之內
復作是願生生世世不墮惡道佛告諸比丘
作如是言汝諸比丘若有心疑於彼之時波
羅捺城乞兒之王施辟支佛摩呼荼迦此是
誰者莫作異見婆提唎迦比丘是也時乞兒
王施辟支佛摩呼荼食因彼業果今生釋種
大豪貴族乃至資財無所乏少復於彼時作
如是願願我來世於大威德豪族種姓爲王
教化因彼業報今於釋種得受王位又時乞
願願我當來生生世世不墮惡道因彼業報
不曾生墮惡道之中恒生人天流轉往反多
受快樂又時復乞如是願言願我來世恒值

如是辟支世尊或勝此者彼之世尊所說經
法願我聞已速知速解因彼業報今值於我
而得出家受具足戒得羅漢果我又授記於
我聲聞弟子之中豪姓出家最第一者婆提
唎迦比丘是也

汝諸比丘婆提唎迦昔造如是善根因緣以
造如是善根因故今生豪姓釋種之家大富
大貴乃至資財無所乏少於釋種中得紹王
位捨其王位而得出家受具足戒得羅漢果
故我授記於我聲聞弟子之中豪姓出家婆
提唎迦比丘第一
其彼長老婆提唎迦乃至已得阿羅漢果恒

住蘭若乞食活命者真掃衣常坐不卧隨宜
鋪設唯持三衣更無畜積

至於一時依住在彼舍婆提城於阿蘭若樹
林之內時彼長老求覓諸草及以樹葉了不
能得即時求覓乾白象真聚以為鋪上鋪坐
具結跏趺坐端身正直即得正念過於一夜
尔時長老婆提唎迦於晨朝時著衣持鉢欲
往入彼舍婆提城往來乞食於彼之時城內
多有乞食諸人乞得食已從其城出去城不
遠各各別欲食所得食

尔時長老婆提唎迦遙見如是諸乞食人從
城乞食既得彼食去城不遠別坐欲食遂往

彼邊嘿然而住

尔時一切諸乞人等作如是念此之比丘必
於我等欲有憐愍故來乞食作如是念已各
各自於所食之內減取少分與彼長老婆提
唎迦尔時波斯那憍薩羅國其王乘騎一大
白象其象名曰一分陀利從其彼城舍婆提
出共一大臣其名曰尸利跋陀

隋言時波
德賢

斯那憍薩羅國其王遙見婆提唎迦從彼乞
兒乞食而食即告大臣尸利跋陀作如是言
尸利跋陀此何比丘乃從乞兒乞食而喫
尔時大臣審更熟看婆提唎迦知是不虛而
白王言大王當知此是釋王婆提唎迦其在

即告彼大臣言若如是者汝駢白象向彼婆
提唎迦之邊尸利跋陀聞王勅已而白王言
如王教勅不敢違也受王勅已將此白象王
乘其上詣向長老婆提唎迦邊

時波斯那憍薩羅國其王去彼婆提唎迦住
處不遠從其象上下禮長老婆提唎迦禮彼
足已却住一面

時波斯那憍薩羅國王啓白長老婆提唎迦作
如是言阿黎耶今者何故乃發如是貧煎之
意乃於如此貧人等邊乞食而食爾時長老
婆提唎迦告波斯那憍薩羅王作如是言大
王我今不以貧故而從彼乞我今自有七種

寶財但我意樂從於貧人而乞食耳又欲於
彼諸貧兒輩斷貧窮故而從乞也大王當知
我已有眼但欲爲彼無明衆生開眼目故而
來從乞

復次大王我今已脫一切繫縛但以爲彼貪
慾瞋恚所縛衆生得解脫故而從乞食

大王我今已度彼岸但爲拔脫煩惱淤泥所
溺衆生故從彼乞

復次大王我已獲得無病之處但欲治彼煩
惱所病諸衆生故而從彼乞

時波斯那憍薩羅國其王復白婆提唎迦作
如是言阿黎耶我亦貧無七種財寶我亦幽

冥住於黑闇我亦被於煩惱淤泥之所沉溺
我今亦有貪慾之病願阿黎耶憐愍我故唯
悌數數來至我家

尔時長老婆提唎迦告波斯那憍薩羅王作
如是言大德大王不須如此作是語已捨王
而去

佛本行集經摩尸婁陀品第五十九

又時世尊為諸比丘演說諸法於時長老摩
尸婁陀睡眠不覺尔時佛告摩尸婁陀作如
是言摩尸婁陀汝何於此法義之內如是睡
眠汝於此事深為不善汝起莫睡從此已後
摩尸婁陀更不睡卧正以多時不得睡故壞

其肉眼唯以天眼觀世間色

尔時世尊告比丘言汝諸比丘於我聲聞諸弟子中清淨梵行最第一者所謂摩尼婁陀是也

又於一時摩尼婁陀數數縫綻諸衣裳等又時五指揔持五針

尔時長老目捷連詣向其所而語之言摩尼婁陀汝今共我遊行去來

尔時長老摩尼婁陀報目捷連言長老目捷且住且住待我衣成

尔時目捷連復語長老摩尼婁陀汝今若以神通縫者願速成就若以今意所欲成者亦願

早成摩尼婁陀縫此衣時其針線脫尔時長
老摩尼婁陀獨自唱言世間誰樂欲作功德
與我穿針

尔時世尊獨在房內攝心坐禪乃以清淨天
耳聞此摩尼婁陀作如是語聞是語已譬如
壯士屈伸臂頃即於本處不現其身往至長
老摩尼婁陀住於前已取針而貫

尔時長老摩尼婁陀問言是誰為我穿針佛
告之言摩尼婁陀是我為汝貫穿針耳尔時
一切諸比丘等傳聞此語云道世尊為彼長
老摩尼婁陀以縫穿針既聞此語各各思惟
世尊猶尚為彼清淨梵行之人佐助不辦况

復我等何故嘿然不相助也因尔已後諸比丘僧有所作者各各相助

時諸比丘以此因緣往詣佛所白言世尊其彼長老摩尼婁陀往於昔日種何善業今得出家受具足戒得羅漢果世尊復記言諸比丘於我聲聞弟子之中得淨天眼最第一者所謂長老摩尼婁陀比丘是也

作是語已佛告一切諸比丘言汝諸比丘我念往昔過去久遠超於無量阿僧祇劫有佛出世名曰然燈如來應供正遍知明行足善逝世間解無上士調御丈夫天人師佛世尊彼佛世尊為諸比丘說法之時種種讚嘆天

眼之事。尔時有一居士之子名曰大財。來集
彼會。坐於衆內。聽說其法。彼居士子既聽法
已。作是思惟。我今雖復不語。父母捨家出家
我今但可爲未來世得天眼。故造諸善根。作
是念。已備辦脂油。得其百斛。於然燈佛無上
正真等正覺所。然燈供養。心起是願。願我來
世值如是佛。彼佛說法。速得證解。於彼世尊
聲聞弟子所有。夫眼願我第一。又發是願。生
生世世不墮惡道。

尔時然燈如來。應供正遍知。明行足。善逝。世
間解。無上士。調御丈夫。天人師。佛世尊。告彼
居士子。大財。言於未來世。有佛名曰釋迦牟尼。

丘多他伽多阿羅呵三藐三佛陀十号俱足
於彼世尊聲聞弟子得天眼者汝當第一个
時佛告諸比丘言汝等比丘或有疑彼時
然燈佛邊大富居士子大財者此即摩尼婁
陀是也

尔時佛復告諸比丘作如是言我念往昔久
遠之時有一賊人於闇夜中行在小徑欲為
竊盜至於半路其鞋綱斷尔時彼處有一辟
支佛舍利塔於其塔所時有一人然燈求福
供養承事而彼燈油將欲盡滅其賊至彼見
燈欲盡為欲續彼斷鞋綱故遂益其脂又以
箭鏃挑出燈炷尔時彼燈還得明熾

尔時彼賊見燈明已去邊不遠續彼鞋網因
 彼明故得見彼塔見彼塔已遂得心淨得心
 淨已發如是願此塔是誰願我來世當值此
 塔本體世尊或勝此者若彼世尊所說之法
 願我聞已速得知解於彼世尊所有聲聞弟
 子之中得天眼者最為第一又願當來生生
 世世不墮惡道

佛本行集經卷第五十九

籍

怨讎上音寃 嘍唵上音呂 咳噦上音苦
下音酬 下音茶 下音烏

恣虛 喬瞿上音渠 戎仗上音弓 刀槩下音朔 羊楯上音正
字 遙反 而反 下音

時作 矛下 反 棒蒲 項 鈔上 廉正 鹿作 筭矛 反 絨音 芥二 越字

甫塹

反

樓槽

下音

却敵

的

徒

隍漸

上音

緇

綵

上陵

疾反

粳糧

上音

羹

臙

各

呼反

隅

角

上音

舉

音

余

正

作

屏

愛

餅

音

輶

與

縫

綻

上音

隅

逢

下音

揔

持

字

經

字

斛

斛

胡

谷

反

小徑

下音

鞋

去音

經

下音

箭

剛

鏃

木

下反



